

Y Cyfarfod Llawn

Dyddiad y cyfarfod:
Dydd Mercher, 7 Mawrth 2012

Amser y cyfarfod:
13:30

Cynulliad
Cenedlaethol
Cymru

National
Assembly for
Wales



Agenda (51)v3

1. Cwestiynau i'r Gweinidog Iechyd a Gwasanaethau Cymdeithasol (45 munud)

[Gweld y cwestiynau](#)

2. Cwestiynau i'r Cwnsler Cyffredinol (30 munud)

[Gweld y cwestiynau](#)

3. Datganiad gan y Gweinidog Addysg a Sgiliau: Remploi (30 munud)

4. Cwestiynau i Gomisiwn y Cynulliad (15 munud)

[Gweld y cwestiynau](#)

**5. Dadl gan Aelodau Unigol o dan Reol Sefydlog 11.21(iv) (60 munud)
NNDM4863**

**Llyr Huws Gruffydd (Gogledd Cymru)
Rebecca Evans (Canolbarth a Gorllewin Cymru)
William Powell (Canolbarth a Gorllewin Cymru)**

Cynnig bod Cynulliad Cenedlaethol Cymru:

Yn annog Llywodraeth Cymru i sicrhau bod y Cynllun Trafnidiaeth Cenedlaethol yn hybu cyllid a gweithgarwch sy'n canolbwyntio ar alluogi ystod eang o ddulliau teithio cynaliadwy a charbon isel i gael eu defnyddio mewn ardaloedd gwledig, gan gynnwys Parciau Cenedlaethol.

Gellir gweld y Cynllun Trafnidiaeth Cenedlaethol drwy fynd i:
<http://wales.gov.uk/topics/transport/publications/ntp/?skip=1&lang=cy>

Gyda chefnogaeth:

Antoinette Sandbach (Gogledd Cymru)

6. Dadl y Ceidwadwyr Cymreig (60 munud)

NDM4930 William Graham (Dwyrain De Cymru)

Cynnig bod Cynulliad Cenedlaethol Cymru:

1. Yn croesawu penderfyniad Llywodraeth y DU i ddyrannu cyllid i roi'r cyfle i awdurdodau lleol Lloegr rewi'r Dreth Gyngor am yr ail flwyddyn yn olynol, ac yn nodi y bydd oddeutu 90% o Gyngorau Lloegr yn defnyddio'r arian hwn i sicrhau na fydd cartrefi'n wynebu cynnydd yn y Dreth Gyngor y flwyddyn nesaf.
2. Yn nodi cyhoeddiad Llywodraeth yr Alban y bydd pob awdurdod lleol yn yr Alban yn rhewi'r Dreth Gyngor ar gyfer 2012/2013, ac yn nodi ei bod wedi dechrau rhewi'r Dreth Gyngor yn 2008/2009.
3. Yn gresynu'n fawr wrth fethiant Llywodraeth Cymru i drosglwyddo'r £38.9 miliwn o arian canlyniadol i gyngorau Cymru, gan wrthod y cyfle i'r 22 awdurdod lleol rewi'r dreth gyngor.
4. Yn gresynu ymhellach yr amcangyfrifir y bydd y dreth gyngor yng Nghymru yn cynyddu bron i 2.2% ar gyfartaledd dros y flwyddyn nesaf.
5. Yn mynegi siom nad yw'r rhan fwyaf o gartrefi Cymru wedi cael cymorth gyda chostau byw beunyddiol o ganlyniad i fethiant Llywodraeth Cymru i drosglwyddo'r £38.9 miliwn o arian canlyniadol i awdurdodau lleol.

Cyflwynwyd y gwelliannau a ganlyn:

Gwelliant 1 – Jane Hutt (Bro Morgannwg)

Ym mhwynt 1, dileu “croesawu” a rhoi “nodi” yn ei le.

Gwelliant 2 – Peter Black (Gorllewin De Cymru)

Ym mhwynt 1, ar ôl ‘y flwyddyn nesaf’ rhoi ‘ac yn croesawu’r £38.9 miliwn o gyllid ychwanegol i Gymru o ganlyniad’.

Gwelliant 3 – Jane Hutt (Bro Morgannwg)

Cynnwys pwynt 3 newydd ac ail-rifo'r pwyntiau sy'n dilyn:

Yn nodi bod y dreth gyngor yng Nghymru eisoes 19% yn is nag yn Lloegr ac y bydd yn parhau i fod yn sylweddol is eleni.

[os derbynnir gwelliant 4, bydd gwelliant 5 a 6 yn cael eu dad-ddethol]

Gwelliant 4 – Jane Hutt (Bro Morgannwg)

Dileu pwyntiau 3, 4 a 5 a rhoi'r canlynol yn eu lle:

Yn nodi bod Llywodraeth Cymru yn darparu 1.3% yn rhagor o gyllid ar gyfer cynghorau yng Nghymru dros gyfnod yr adolygiad o wariant nag y mae Llywodraeth y DU yn ei roi i gynghorau yn Lloegr, ac y gallai cynghorau ddefnyddio'r arian hwn mewn perthynas â rhewi'r dreth gyngor, os dymunant wneud hynny.

Yn nodi y rhagwelir, ar ôl i bob awdurdod bennu ei gyllideb ar gyfer 2012–13, y bydd y cynnydd yn y dreth gyngor yng Nghymru yn is nag erioed.

Yn mynegi ei fod yn gresynu wrth gynlluniau Llywodraeth y DU i ddiddymu budd-dal y dreth gyngor sy'n effeithio'n negyddol ar y bobl sydd fwyaf agored i niwed.

Gwelliant 5 – Peter Black (Gorllewin De Cymru)

Dileu pwynt 3.

Gwelliant 6 – Peter Black (Gorllewin De Cymru)

Dileu pwynt 5.

Gwelliant 7 – Peter Black (Gorllewin De Cymru)

Ychwanegu pwynt newydd ar ddiwedd y cynnig:

Yn credu y bydd cynghorau'n elwa ar refeniw ychwanegol drwy fwy o weithgarwch economaidd yn eu hardaloedd, ac yn croesawu'r pecyn ysgogi economaidd gwerth £38.9 miliwn, a fydd yn ceisio darparu gweithgarwch economaidd ychwanegol.

7. Dadl Plaid Cymru (60 munud)

NDM4931 Jocelyn Davies (Dwyrain De Cymru)

Cynnig bod Cynulliad Cenedlaethol Cymru:

1. Yn gresynu wrth fethiant Llywodraeth Cymru i gyflwyno ysgogiad ariannol cynhwysfawr ar gyfer yr economi, sy'n cynnwys buddsoddiad cyfalaf a ddaw o ffrydiau ariannu y tu allan i'r grant bloc; a
2. Yn galw ar Lywodraeth Cymru i gyflwyno pecyn o brosiectau cyfalaf a mesurau pellach i gefnogi busnesau ac i ddiogelu swyddi.

Cyflwynwyd y gwelliannau a ganlyn:

Gwelliant 1 – Jane Hutt (Bro Morgannwg)

Dileu pwynt 1 a rhoi yn ei le:

Yn nodi'r camau y mae Llywodraeth Cymru wedi'u cymryd i gyflwyno pecyn ariannol cynhwysfawr er mwyn helpu i ysgogi'r economi, gan gynnwys darparu buddsoddiad cyfalaf, o ffynonellau traddodiadol a rhai nad ydynt yn draddodiadol; a

Gwelliant 2 – Peter Black (Gorllewin De Cymru)

Ym mhwynt 2, ar ôl 'pellach', rhoi ' , fel gwell seilwaith a lefelau sgiliau uwch,'.

Gwelliant 3 – William Graham (Dwyrain De Cymru)

Cynnwys ar ddiwedd pwynt 2:

'gan gynnwys diddymu ardrethi busnes ar gyfer cwmnïau hyd at werth ardrethol o £12,000'.

Gwelliant 4 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i weithio'n agos gyda Llywodraeth y DU i wella economi Cymru.

Gwelliant 5 – Peter Black (Gorllewin De Cymru)

Ychwanegu pwynt newydd ar ddiwedd y cynnig:

Yn credu y gellid darparu ysgogiad economaidd cynhwysfawr pe bai gan y Cynulliad bwerau benthyca a rhagor o gyfrifoldeb ariannol, ac yn croesawu sefydlu Comisiwn Silk sy'n ymchwilio i'r posibilrwydd hwn.

Cyfnod Pleidleisio

8. Dadl Fer (30 munud)

NDM4929 Aled Roberts (Gogledd Cymru):

“Clywch, Clywch” – Gwella Acwsteg yn yr Ystafell Ddosbarth

Mae'r ddadl fer hon yn ceisio tynnu sylw at yr anawsterau y mae plant ysgol sydd â nam ar eu clyw yn eu hwynebu wrth geisio gwrando ar eu hathro mewn ystafell ddosbarth sydd ag acwsteg wael, a chefnogi galwadau am roi mwy o ystyriaeth i acwsteg wrth ddylunio ysgolion ac ystafelloedd dosbarth newydd.

Cynhelir Cyfarfod Llawn nesaf y Cynulliad am 13:30, Dydd Mawrth, 13 Mawrth 2012